

**FRAMSELD REGLUGERÐ FRAMKVÆMDASTJÓRNARINNAR (ESB)
nr. 574/2014****2015/EES/16/20****frá 21. febrúar 2014****um breytingu á III. viðauka við reglugerð Evrópuþingsins og ráðsins (ESB) nr. 305/2011 um
fyrirmyndina sem skal nota við gerð yfirlýsingar um nothæfi byggingarvara (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) nr. 305/2011 frá 9. mars 2011 um samræmd skilyrði fyrir markaðssetningu byggingarvara og niðurfellingu á tilskipun ráðsins 89/106/EBE⁽¹⁾, einkum e-lið 60. gr.,

og að teknu tilliti til eftirfarandi:

- 1) Ákvæði 1. mgr. 4. gr. í reglugerð (ESB) nr. 305/2011 skylda framleiðendur byggingarvara til að gera yfirlýsingu um nothæfi þegar byggingarvara, sem fellur undir samhæfðan staðal eða er í samræmi við evrópskt tæknimat sem gefið er út fyrir þá vöru, er sett á markað. Samkvæmt 4. mgr. 6. gr. reglugerðar (ESB) nr. 305/2011, ætti að gera þá yfirlýsingu í samræmi við fyrirmyndina sem sett er fram í III. viðauka við þá reglugerð.
- 2) Í samræmi við e-lið 60. gr. reglugerðar (ESB) nr. 305/2011, er framkvæmdastjórninni úthlutað það verkefni að aðlaga III. viðauka reglugerðar (ESB) nr. 305/2011 vegna tækniframfara.
- 3) Fyrirmyndina, sem sett er fram í III. viðauka við reglugerð (ESB) nr. 305/2011, ætti að aðlaga vegna tækniframfara, til að ná fram þeim sveigjanleika sem mismunandi tegundir byggingarvara og framleiðendur krefjast og til að einfalda yfirlýsinguna um nothæfi.
- 4) Það að auki hefur fengin reynsla af framkvæmd III. viðauka sýnt að framleiðendur myndu þurfa á frekari leiðbeiningum að halda til að gera yfirlýsingar um nothæfi byggingarvara, í samræmi við gildandi löggjöf. Veiting slíkra leiðbeininga myndi einnig tryggja samræmda og rétta beitingu III. viðauka.
- 5) Veita ætti framleiðendum nokkurn sveigjanleika við gerð yfirlýsingar um nothæfi, svo framarlega sem þær sýna, á skýran og samfelldan hátt, þær mikilvægu upplýsingar sem krafist er í 6. gr. reglugerðar (ESB) nr. 305/2011.
- 6) Til að auðkenna á ótvíræðan hátt þá vöru sem fellur undir yfirlýsingu um nothæfi í tengslum við nothæfisstig eða -flokka, skulu framleiðendur tengja hverja og eina vöru við viðeigandi gerðareintak og við tiltekið safn nothæfisstiga eða -flokka með sérstaka auðkenniskóðanum sem um getur í a-lið 2. mgr. 6. gr. í reglugerð (ESB) nr. 305/2011.
- 7) Tilgangur 4. mgr. 11. gr. reglugerðar (ESB) nr. 305/2011 er að gera það kleift að auðkenna og rekja allar byggingarvörur með gerðar-, framleiðslueiningar- eða raðnúmerum frá framleiðendum. Þessu markmiði verður ekki náð með yfirlýsingu um nothæfi sem í kjölfarið ætti að nota fyrir allar vörur sem samsvara gerðareintakinu sem þar er skilgreint. Upplýsingarnar, sem krafist er í 4. mgr. 11. gr., ættu því ekki vera í yfirlýsingunni um nothæfi.

(*) Þessi ESB-gerð birtist í Stjtið. ESB L 159, 28.5.2014, bls. 41. Hennar var getið í ákvörðun sameiginlegu EES-nefndarinnar nr. 21/2015 frá 26. febrúar 2015 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

(¹) Stjtið. ESB L 88, 4.4.2011, bls. 5.

- 8) Séu tilkynntir aðilar tilgreindir á tilhlýðilegan hátt gæti skráning á öllum vottorðum, prófun, útreikningum eða matsskýrslum sem gefin hafa verið út orðið umfangsmikil og íþyngjandi en eykur ekki vægi fyrir notendur þeirra vara sem falla undir yfirlýsingu um nothæfi. Framleiðendunum ætti því ekki vera skylt að hafa þessar skrár með í yfirlýsingum sínum um nothæfi.
- 9) Til að auka skilvirkni og samkeppnishæfni evrópska byggingageirans í heild sinni, ættu framleiðendur, sem veita yfirlýsingar um nothæfi og vilja nýta einföldunina og leiðbeiningarnar í þeim tilgangi að auðvelda veitingu slíkra yfirlýsinga, að geta gert slíkt eins fljótt og auðið er.

SAMÞYKKT REGLUGERÐ ÞESSA:

1. gr.

Í stað III. viðauka við reglugerð (ESB) nr. 305/2011 komi viðaukinn við þessa reglugerð.

2. gr.

Yfirlýsingar um nothæfi sem gefnar voru út áður en þessi reglugerð öðlaðist gildi, og sem eru í samræmi við 6. gr. reglugerðar (ESB) nr. 305/2011 og upphaflegan III. viðauka við hana, skulu teljast vera í samræmi við þessa reglugerð.

3. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 21. febrúar 2014.

Fyrir hönd framkvæmdastjórnarinnar,

José Manuel BARROSO

forseti.

VIÐAUKI

„III. VIÐAUKI

YFIRLÝSING UM NOTHÆFI

NR.....

1. Sérstakur auðkenniskóði gerðareintaksins:
2. Áformuð not:
.....
3. Framleiðandi:.....
.....
4. Viðurkenndur fulltrúi:.....
.....
5. Kerfi við mat á nothæfi byggingarvörunnar og sannprófun á stöðugleika þess (AVCP):
- 6a. Samhæfður staðall:
.....
Tilkynntur aðili/tilkynntir aðilar:
- 6b. Evrópskt matsskjal:
.....
Evrópskt tæknimat:.....
.....
Tæknimatsstofnun:
Tilkynntur aðili/tilkynntir aðilar:.....
7. Tilgreint nothæfi:
.....
8. Viðeigandi tæknigögn og/eða sértæk tæknigögn:.....
.....

Nothæfi vörunnar sem er auðkennd hér að framan er í samræmi við tilgreint nothæfi. Útgáfa þessarar yfirlýsingar um nothæfi í samræmi við reglugerð (ESB) nr. 305/2011 er einungis á ábyrgð framleiðandans sem tilgreindur er hér að framan.

Undirritað fyrir framleiðandann og fyrir hans hönd:

[nafn]

Gert á/i [staður] þann [útgáfudagur].....

[undirskrift]

Leiðbeiningar um gerð yfirlýsingar um nothæfi

1. ALMENNT

Þessar leiðbeiningar miða að því að leiðbeina framleiðandanum við að gera yfirlýsingu um nothæfi í samræmi við reglugerð (ESB) nr. 305/2011, og fara að fyrirmyndinni í þessum viðauka (hér á eftir nefnd „fyrirmyndin“).

Þessar leiðbeiningar eru ekki hluti af yfirlýsingum um nothæfi sem framleiðendur gefa út og eiga ekki að fylgja þeim yfirlýsingum um nothæfi.

Þegar yfirlýsing um nothæfi er gerð skal framleiðandinn:

- 1) endurgera þá texta og fyrirsagnir fyrirmyndarinnar sem eru ekki í hornklofum,
- 2) setja nauðsynlegar upplýsingar í auða reiti og hornklofa.

Framleiðendum er einnig heimilt að taka fram í yfirlýsingunni um nothæfi, tilvísanirnar í vefsetrið þar sem eintak af yfirlýsingunni um nothæfi er gert aðgengilegt, í samræmi við 3. mgr. 7. gr. reglugerðar (ESB) nr. 305/2011. Þetta má tilgreina á eftir 8. lið eða á öðrum stað þar sem það hefur ekki áhrif á læsileika og skýrleika skyldubundinna upplýsinga.

2. SVEIGJANLEIKI

Að því tilskildu að skyldubundnu upplýsingarnar sem krafist er í 6. gr. reglugerðar (ESB) nr. 305/2011 séu settar fram á skýran, fullnægjandi og samfelldan hátt þegar yfirlýsing um nothæfi er gerð, er mögulegt að:

- 1) nota aðra uppröðun en er í fyrirmyndinni,
- 2) sameina liðina í fyrirmyndinni með því að setja nokkra þeirra fram saman,
- 3) setja liði fyrirmyndarinnar fram í annars konar röð eða nota eina eða fleiri töflur,
- 4) fella úr suma liði í fyrirmyndinni sem ekki skipta máli fyrir vöruna sem yfirlýsingin um nothæfi er gerð um. Þetta á t.d. við þar sem yfirlýsingin um nothæfi getur annaðhvort verið á grundvelli samhæfðs staðals eða evrópsks tæknimats sem er gefið út fyrir vöruna og annar valkosturinn á ekki við. Þessar úrfellingar gætu einnig átt við um liðina um viðurkenndan fulltrúa eða notkun á viðeigandi tæknigögnum og sértækum tæknigögnum,
- 5) setja liðina fram án þess að númera þá.

Óski framleiðandi eftir að gefa út eina yfirlýsingu um nothæfi sem nær yfir mismunandi frávik gerðareintaks, þarf a.m.k. að skrá eftirtalda þætti aðskilið og skýrt fyrir hvert vörufrávik: númer yfirlýsingarinnar um nothæfi, auðkenniskóðann í 1. lið og tilgreint nothæfi í 7. lið.

3. LEIÐBEININGAR UM ÚTFYLLINGU Á EYÐUBLAÐINU

Liður í fyrirmyndinni	Leiðbeiningar
Númer yfirlýsingar um nothæfi	Þetta er tilvísunarnúmerið á yfirlýsingunni um nothæfi sem áformað er í 2. mgr. 9. gr. reglugerðar (ESB) nr. 305/2011. Framleiðandinn velur númerið. Þetta númer getur verið það sama og sérstakur auðkenniskóði gerðareintaksins sem getið er í 1. lið fyrirmyndarinnar.

Liður í fyrirmyndinni	Leiðbeiningar
Liður 1	<p>Tilgreinið sérstakan auðkenniskóða gerðareintaksins sem um getur í a-lið 2. mgr. 6. gr. reglugerðar (ESB) nr. 305/2011.</p> <p>Í 2. mgr. 9. gr. reglugerðar (ESB) nr. 305/2011, er sérstaki auðkenniskóðinn sem framleiðandinn velur til að fylgja CE-merkinu tengdur við gerðareintakið og þar með við safn nothæfisstiga eða -flokka byggingarvöru, eins og sett er fram í yfirlýsingunni um nothæfi sem gerð er fyrir hana. Fyrir viðtakendur byggingarvara, einkum fyrir endanlega notendur, er þar að auki nauðsynlegt að geta auðkennt ótvírætt þetta safn nothæfisstiga eða -flokka fyrir tiltekna vöru. Því skal framleiðandi tengja allar byggingarvörur, sem yfirlýsing um nothæfi hefur verið gerð fyrir, við hvert gerðareintak og tiltekið safn nothæfisstiga eða -flokka með hinum sérstaka auðkenniskóða gerðareintaksins, sem er einnig tilvísunin sem getið er um í a-lið 2. mgr. 6. gr. reglugerðar (ESB) nr. 305/2011.</p>
Liður 2	<p>Tilgreinið áformuð not byggingarvörunnar eins og framleiðandinn áformaði hana, eða skráið áformuð not eins og við á, í samræmi við gildandi samræmda tækniforskrift.</p>
Liður 3	<p>Tilgreinið nafn framleiðanda, skráð viðskiptaheiti eða skráð vörumerki framleiðanda og heimilisfang þar sem ná má í hann, eins og krafist er skv. 5. mgr. 11. gr. reglugerðar (ESB) nr. 305/2011.</p>
Liður 4	<p>Þessi liður skal tekinn með og fylltur út aðeins ef viðurkenndur fulltrúi hefur verið tilnefndur. Í slíku tilviki, tilgreinið nafn viðurkennds fulltrúa og heimilisfang þar sem ná má í hann, en umboð hans nær yfir verkefni sem tilgreind eru í 2. mgr. 12. gr. reglugerðar (ESB) nr. 305/2011.</p>
Liður 5	<p>Tilgreinið númer viðeigandi kerfis eða kerfa fyrir mat og sannprófun á stöðugleika nothæfis (AVCP) byggingarvörunnar eins og sett er fram í V. viðauka við reglugerð (ESB) nr. 305/2011. Ef um mörg kerfi er að ræða skal hvert og eitt þeirra tilgreint.</p>
Liður 6a og 6b	<p>Þar sem framleiðandi getur gert yfirlýsingu um nothæfi annaðhvort á grundvelli samhæfðs staðals eða á evrópsku tæknimati sem er gefið út fyrir vöruna, skal litið á þessar tvær ólíku aðstæður sem settar eru fram í liðum 6a og 6b sem valkosti, þar sem aðeins skal nota annan þeirra og hann fylltur út í yfirlýsingu um nothæfi.</p> <p>Ef um er að ræða lið 6a, þ.e.a.s. sé yfirlýsing um nothæfi grundvölluð á samhæfðum staðli, tilgreinið eftirfarandi:</p> <ol style="list-style-type: none"> tilvísunarnúmer hins samhæfða staðals og útgáfudag (dagsett tilvísun) og kenninúmer tilkynnts aðila/tilkynntra aðila. <p>Þegar nafn tilkynnts aðila/tilkynntra aðila er tilgreint, er nauðsynlegt að nafnið sé tilgreint á frummálinu, án þýðingar á önnur tungumál.</p> <p>Ef um er að ræða lið 6b, þ.e.a.s. sé yfirlýsing um nothæfi grundvölluð á evrópsku tæknimati sem er gefið út fyrir vöruna, tilgreinið eftirfarandi:</p> <ol style="list-style-type: none"> númer evrópska matsskjalsins og útgáfudag þess, númer evrópska tæknimatsins og útgáfudag þess, heiti tæknimatsstofnunarinnar og kenninúmer tilkynnts aðila/tilkynntra aðila.

Liður í fyrirmyndinni	Leiðbeiningar
Liður 7	<p>Í þessum lið skal í yfirlýsingu um nothæfi tilgreina:</p> <ul style="list-style-type: none"> a) skrá yfir mikilvæga eiginleika, sem ákvarðaðir eru í samhæfðu tækniforskriftunum, fyrir þau áformuðu not sem tilgreind eru í lið 2 og b) fyrir hvern mikilvægan eiginleika, tilgreint nothæfi, eftir stigi eða flokki, eða í lýsingu, í tengslum við þessa eiginleika eða, fyrir eiginleika þar sem ekkert nothæfi er tilgreint, skal rita stafina „NPD“ (e. <i>No Performance Determined</i>/ ekkert nothæfisstig ákvarðað). <p>Þennan lið má fylla út með því að nota töflu þar sem settar eru fram tengingar á milli samhæfðu tækniforskriftanna og kerfa fyrir mat og sannprófun á stöðugleika nothæfis sem notuð eru fyrir hvern mikilvægan eiginleika vörunnar, sem og nothæfi í tengslum við hvern mikilvægan eiginleika.</p> <p>Nothæfinu skal lýst á skýran og greinargóðan máta. Nothæfinu er því ekki eingöngu hægt að lýsa í yfirlýsingunni um nothæfi með því að setja inn reikniformúlu sem viðtakendurnir skulu nota. Þar að auki skulu nothæfisstig eða -flokkar, sem sett eru fram í tilvísunarskjölum, endurgerð í sjálfri yfirlýsingunni um nothæfi og því er ekki hægt að gefa þau upp eingöngu með því að vísa í þessi skjöl í yfirlýsingunni um nothæfi.</p> <p>Nothæfið, einkum fyrir viðbrögð burðarvirkis í byggingarvöru, má hins vegar gefa upp með því að vísa til vöruupplýsinga eða hönnunartreikninga burðarvirkis. Í slíku tilviki skulu viðeigandi skjöl fylgja yfirlýsingunni um nothæfi.</p>
Liður 8	<p>Þessi liður skal aðeins talinn með og fylltur út í yfirlýsingu um nothæfi ef viðeigandi tæknigögn og/eða sértæk tæknigögn hafa verið notuð, í samræmi við 36. til 38. gr. í reglugerð (ESB) nr. 305/2011, til að tilgreina kröfurnar sem varan er í samræmi við.</p> <p>Í slíku tilviki skal yfirlýsingin um nothæfi tilgreina undir þessum lið:</p> <ul style="list-style-type: none"> a) tilvísunarnúmer þeirra sértæku og/eða viðeigandi tæknigagna sem notuð eru og b) þær kröfur sem varan er í samræmi við.
Undirskrift	Fyllið í eyðurnar á milli hornklofanna með tilgreindum upplýsingum og undirskriftinni.“